

涵芬樓古今文鈔

呂景端
書藏

酒樓古今文鈔

卷之四

涵芬樓古今文鈔卷九十三目錄

辭賦類

賦上二

三都賦 左思

藉田賦 潘岳

秋興賦 潘岳

西征賦 潘岳

射雉賦 潘岳

懷舊賦 潘岳

寡婦賦 潘岳

四十四句

閑居賦 潘岳

笙賦 潘岳

鷓鴣賦 張華

歎逝賦 陸機

文賦 陸機

遊天台山賦 孫綽

海賦 木華

江賦 郭璞

嘯賦 成公綏

赭白馬賦 顏延之

蕪城賦 鮑昭

舞鶴賦 鮑昭

恨賦 江淹

別賦 江淹

雪賦 謝惠連

月賦 謝莊

遊後園賦 謝朓 只十八句

梁簡文帝梅花賦

梁簡文帝金鐸賦

梁簡文帝箏賦

梁元帝立覽賦

立圃園講賦 蕭子雲

南征賦 張纘

枯樹賦 庾信

哀江南賦 庾信

小園賦 庾信

三月三日華林園馬射賦

庾信

舞馬賦

張率

涵芬樓古今文鈔卷九十三

侯官吳曾祺編纂

辭賦類

賦上二

三都賦

并序左思

蓋詩有六義焉。其二曰賦。楊雄曰。詩人之賦麗以則。班固曰。賦者。古詩之流也。先王采焉。以觀土風。見綠竹猗猗。則知衛地淇澳之產。見在其版屋。則知秦野西戎之宅。故能居然而辨八方。然相如賦上林。而引盧橘夏熟。楊雄賦甘泉。而陳玉樹青葱。班固賦西都。而歎以出比目。張衡賦西京。而述以遊海若。假稱珍怪。以爲潤色。若斯之類。匪啻于茲。考之果木。則生非其壤。校之神物。則出非其所。於辭則易爲藻飾。於義則虛而無徵。且夫玉卮無當。雖寶非用。侈言無驗。雖麗非經。而論者莫不詆訐。其研精作者。大氏舉爲憲章。積習生常。有自來矣。余旣思摹二京而賦

三都。其山川城邑。則稽之地圖。其鳥獸草木。則驗之方志。風謠歌舞。各附其俗。魁梧長者。莫非其舊。何則。發言爲詩者。詠其所志也。升高能賦者。頌其所見也。美物者。貴依其本。讚事者。宜本其實。匪本匪實。覽者奚信。且夫任土作貢。虞書所著。辨物居方。周易所慎。聊舉其一隅。攝其體統。歸諸詁訓焉。

蜀都賦

有西蜀公子者。言於東吳王孫曰。蓋聞天以日月爲綱。地以四海爲紀。九土星分。萬國錯峙。嶠函有帝王之宅。河洛爲王者之里。吾子豈亦曾聞蜀都之事歟。請爲左右揚摧而陳之。夫蜀都者。蓋兆基於上世。開國於中古。廓靈關以爲門。包玉壘而爲宇。帶二江之雙流。抗峨眉之重阻。水陸所湊。兼六合而交會焉。豐蔚所盛。茂八區而菴藹焉。於前則跨躡犍牂。枕倚交趾。經途所亘。五千餘里。山阜相屬。含谿懷谷。崗巒糾紛。觸石吐雲。鬱蓋蓋以翠微。崛巍巍以峨峨。干青霄而秀出。舒丹氣而爲霞。龍池瀉瀑。潰其隈。漏江伏流。潰其阿。汨若湯谷之揚濤。沛若濛汜之涌波。

於是乎叩竹緣嶺。菌桂臨崖。旁挺龍目。側生荔枝。布綠葉之萋萋。結朱實之離離。迎隆冬而不凋。常晷晷以猗猗。孔翠羣翔。犀象競馳。白雉朝雊。猩猩夜啼。金馬騁光而絕景。碧鷄儵忽而曜儀。火井沈熒於幽泉。高燭飛煽於天垂。其間則有虎珀丹青。江珠瑕英。金沙銀礫。符采彪炳。暉麗灼爍。於後則却背華容。北指崑崙。緣以劍閣。阻以石門。流漢湯湯。驚浪雷奔。望之天迴。卽之雲昏。水物殊品。鱗介異族。或藏蛟螭。或隱碧玉。嘉魚出於丙穴。良木攢於褒谷。其樹則有木蘭檉桂。杞櫛椅桐。櫻杼楔樅。梗柎幽藹。於谷底。松柏蓊鬱於山峰。擢脩幹。竦長條。扇飛雲。拂輕霄。羲和假道於峻岐。陽鳥迴翼乎高標。巢居栖遯。聿兼鄧林。穴宅奇獸。窠宿異禽。熊羆咆其陽。鵬鷖鳩其陰。獫狁騰希而競捷。虎豹長嘯而永吟。於東則左縣巴中。百濮所充。外負銅梁於宕渠。內函要害於膏腴。其中則有巴菽巴戟。靈壽桃枝。樊以蒹圃。濱以鹽池。蝓蜨山棲。龜龜水處。潛龍蟠於沮澤。應鳴鼓而興雨。丹沙赭熾出其坂。蜜房郁毓被其阜。山圖采而得道。赤斧服而不朽。若乃剛悍生其方。風謠尙其

武奮之則賓旅。翫之則渝舞。銳氣剽於中葉。躋容世於樂府。於西則右挾岷山。涌瀆發川。陪以白狼。夷歌成章。垌野草味。林麓黝靄。交讓所植。蹲鴟所伏。百藥灌叢。寒卉冬馥。異類衆夥。于何不育。其中則有青珠黃環。碧磬芒消。或豐綠萸。或蕃丹椒。粳蕪布濩於中阿。風連蕤蔓於蘭皋。紅葩紫飾。柯葉漸苞。敷藥葳蕤。落英飄飄。神農是嘗。盧跗是料。芳追氣邪。味蠲癘瘡。其封域之內。則有原隰墳衍。通望彌博。濱以潛沫。浸以縣雒。溝洫脈散。疆里綺錯。黍稷油油。稷稻莫莫。指渠口以爲雲門。灑漈池而爲陸澤。雖星畢之滂沱。尙未齊其膏液。爾乃邑居隱賑。夾江傍山。棟宇相望。桑梓接連。家有鹽泉之井。戶有橘柚之園。其園則有林檎枇杷。橙桺檉榔。梔桃函列。梅李羅生。百果甲宅。異色同榮。朱櫻春熟。素奈夏成。若乃大火流。涼風厲。白露凝。微霜結。紫梨津潤。檟栗罅發。蒲陶亂潰。若榴競裂。甘至自零。芬芬酷烈。其園則有蒟蒻茱萸。瓜疇芋區。甘蔗辛薑。陽薑陰敷。日往菲薇。月來扶疏。任土所麗。衆獻而儲。其沃瀛則有攢蔣叢蒲。綠菱紅蓮。雜以蘊藻。綵以蘋蘩。總莖昵昵。裒葉

秦秦。實實時味。王公差焉。其中則有鴻儔鵠侶。鷺鷥鵝鴈。晨鳧旦至。候鴈銜蘆。木落南翔。冰泮北徂。雲飛水宿。呀吭清渠。其深則有白龜命鼈。玄獺上祭。鱣鮪鰭魴。鯢鱣魴鱮。差鱗次色。錦質報章。躍濤戲瀨。中流相忘。於是乎金城石郭。兼巾中區。旣麗且崇。實號成都。闢二九之通門。畫方軌之廣塗。營新宮於爽塏。擬承明而起廬。結陽城之延閣。飛觀榭乎雲中。開高軒以臨山。列綺牕而瞰江。內則議殿爵堂。武義虎威。宣化之闕。崇禮之闕。華闕雙貌。重門洞開。金鋪交映。玉題相暉。外則軌躅八達。里閭對出。比屋連甍。千廡萬室。亦有甲第。當衢向術。壇宇顯敞。高門納駟。庭扣鍾磬。堂撫琴瑟。匪葛匪姜。疇能是恤。亞以少城。接乎其西。市廛所會。萬商之淵。列隧百重。羅肆巨千。賄貨山積。纖麗星繁。都人士女。衺服靚粧。賈買帶鬻。舛錯縱橫。異物崛詭。奇於八方。布有幢華。麪有桄榔。叩杖傳節於大夏之邑。茹醬流味於番禺之鄉。輿輦雜沓。冠帶混并。累轂疊跡。叛衍相傾。誼譁鼎沸。則咙聒宇宙。囂塵張天。則埃壒曜靈。闐闐之裏。伎巧之家。百室離房。機杼相和。貝錦斐成。濯色江

波黃潤比箇。籛金所過。侈侈隆富。卓鄭埒名。公擅山川。貨殖私庭。藏銀巨萬。鉅規兼呈。亦以財雄。翕習邊城。三蜀之豪。時來時往。養交都邑。結儔附黨。劇談戲論。扼腕抵掌。出則連騎。歸從百兩。若其舊俗。終冬始春。吉日良辰。置酒高堂。以御嘉賓。金罍中坐。肴核四陳。觴以清醪。鮮以紫鱗。羽爵旣競。絲竹乃發。巴姬彈弦。漢女擊節。起西音於促柱。歌江上之飄厲。紆長袖而屢舞。翩躚躚以裔裔。合樽促席。引滿相罰。樂飲今夕。一醉累月。若夫王孫之屬。卻公之倫。從禽于外。巷無居人。並乘驥子。俱服魚文。立黃異校。結駟繽紛。西踰金隄。東越玉津。朔別晦期。匪日匪旬。蹴蹈蒙籠。涉躋寥廓。鷹犬儵眇。爵羅絡幕。毛羣陸離。羽族紛泊。翕響揮霍。中網林薄。屠罾擧。翦旄塵。帶文蛇。跨彫虎。志未騁。時欲晚。追輕翼。赴絕遠。出彭門之闕。馳九折之坂。經三峽之崢嶸。躡五岬之蹇澹。戟食鐵之獸。射噬毒之鹿。拍羆氓於萋草。彈言鳥於森木。拔象齒。戾犀角。鳥銕翮。獸廢足。殆而竭來。相與第如滇池。集于江洲。試水客。艤輕舟。娉江妃。與神遊。罨翡翠。釣鰕魴。下高鵠。出潛蚪。吹洞簫。發櫓謳。感

鰾魚動陽侯。騰波沸涌。珠貝沈浮。若雲漢含星。而光耀洪流。將饗獠者。張帟幕。會平原。酌清醕。割芳鮮。飲御酣。賓旅旋。車馬雷駭。轟轟闐闐。若風流雨散。漫乎數百里之間。斯蓋宅土之所安樂。觀聽之所踴躍也。焉獨三川爲世朝市。若乃卓犖奇譎。倜儻罔已。一經神怪。一緯人理。遠則岷山之精。上爲井絡。天帝運期而會昌。景福胥饗而興作。碧出萇弘之血。鳥生杜宇之魂。妄變化而非常。嗟見偉於疇昔。近則江漢炳靈。世載其英。蔚若相如。嶠若君平。王褒曄曄而秀發。揚雄含章而挺生。幽思絢道德。摛藻撝天庭。考四海而爲雋。當中葉而擅名。是故遊談者以爲譽。造作者以爲程也。至乎臨谷爲塞。因山爲障。峻阻塍埒。長城豁險。吞若巨防。一人守隘。萬夫莫向。公孫躍馬而稱帝。劉宗下輦而自王。由此言之。天下孰尙。故雖兼諸夏之富有。猶未若茲都之無量也。

吳都賦

東吳王孫。飄然而哈曰。夫上圖景宿。辨於天文者也。下料物土。析於地理者也。古

先帝世曾覽八紘之洪緒。一六合而光宅。翔集遐宇。鳥策篆素。玉牒石記。烏聞梁岷有陟方之館。行宮之基歟。而吾子言蜀都之富。禹同之有。偉其區域。美其林藪。矜巴漢之阻。則以爲襲險之右。徇蹲鴟之沃。則以爲世濟陽九。齷齪而算固。亦曲士之所歎也。旁魄而論都邑。抑非大人之壯觀也。何則。土壤不足以攝生。山川不足以周衛。公孫國之而破。諸葛家之而滅。茲乃喪亂之丘墟。顛覆之軌轍。安可以儷王公而著風烈也。翫其磧礫而不窺玉淵者。未知驪龍之所蟠也。習其敝邑而不覩上邦者。未知英雄之所躔也。子獨未聞大吳之巨麗乎。且有吳之開國也。造自太伯。宣於延陵。蓋端委之所彰。高節之所興。建至德以勦洪業。世無得而顯稱。由克讓以立風俗。輕脫躡於千乘。若率土而論都。則非列國之所缺望也。故其經略。上當星紀。拓土畫疆。卓犖兼并。包括于越。跨躡蠻荆。嫠女寄其矐。翼軫寓其精。指衡岳以鎮野。目龍川而帶垆。爾其山澤則崑嶷嶢峩。嚶冥鬱岷。潰沆泮汗。溟渤淼漫。或涌川而開瀆。或吞江而納漢。魄魄巍巍。滂滂汧汧。礚礚乎數州之間。灌注

乎天下之半。百川派別。歸海而會。控清引濁。混濤并瀨。瀆薄沸騰。寂寥長邁。渙焉
洶洶。隱焉磳磳。出乎大荒之中。行乎東極之外。經扶桑之中林。包暘谷之滂沛。潮
波汨起。迴復萬里。歔霧逢浮。雲蒸昏昧。泓澄齋滌。瀕溶沆瀣。莫測其深。莫究其廣。
澶泔漠而無涯。惏有流而爲長。瓌異之所叢育。鱗甲之所集往。於是乎長鯨吞航。
修鯢吐浪。躍龍騰蛇。蛟鯢琵琶。王鮪鰪鮓。鯢鰭鰭。烏賊擁劍。鼃鼃鯖鰐。涵泳乎
其中。茸鱗鏤甲。詭類舛錯。泝洄順流。噉喁沈浮。鳥則鷗鷖鷗鷖。鷗鷖鷗鷖。鷗鷖鷗鷖。
風候鴈造江。鵠鷗鷗鷖。鵠鷗鷗鷖。鵠鷗鷗鷖。汜濫乎其上。湛淡羽儀。隨波參差。理
翮整翰。容與自翫。雕琢蔓藻。刷盪漪瀾。魚鳥聲耳。萬物蠢生。芒芒旣旣。慌罔奄欬。
神化翕忽。函幽育明。窮性極形。盈虛自然。蚌蛤珠胎。與月虧全。巨鼇鼃負。首冠靈
山。大鵬繽翻。翼若垂天。振盪汪流。雷扑重淵。躬動宇宙。胡可勝原。島嶼縣邈。洲渚
馮隆。曠瞻迢遞。迴眺冥蒙。珍怪麗。奇隙充。徑路絕。風雲通。洪桃屈盤。丹桂灌叢。瓊
枝抗莖而敷葉。珊瑚幽茂而玲瓏。增岡重阻。列眞之宇。玉堂對雷。石室相距。藹藹

翠幄。嫋嫋素女。江妃於是往來。海童於是宴語。斯實神妙之響象。嗟難得而覩縷。
爾乃地勢坱圠。卉木馭蔓。遭藪爲圃。值林爲苑。異荂藍黠。夏畦冬蒨。方志所辨。中
州所羨。草則藿蒳豆蔻。薑彙非一。江離之屬。海苔之類。綸組紫絳。食葛香茅。石帆
水松。東風扶留。布濩臯澤。蟬聯陵邱。黃緣山嶽之岳。羃歷江海之流。抗白蒂。銜朱
蕤。鬱兮茝茂。畦兮菲菲。光色炫晃。芬馥胎蠶。職貢納其包匭。離騷詠其宿莽。木則
楓桺櫟樟。栟櫨枸橿。絲枿椴櫨。文欖楨樞。平仲裙櫨。松梓古度。楠榴之木。相思之
樹。宗生高岡。族茂幽阜。擢本千尋。垂蔭萬畝。攢柯罕莖。重葩掩葉。輪囷蚪蟠。埒埴
鱗接。榮色雜糅。綢繆縹繡。宵露霑霽。旭日暎晡。與風颺颺。飀瀏颺颺。鳴條律暢。飛
音響亮。蓋象琴筑并奏。笙竽俱唱。其上則援父哀吟。殫子長嘯。狔颺猓然。騰趕飛
超。爭縣接垂。競游遠枝。驚透沸亂。牢落輦散。其下則有臯羊羴狼。狹獮獮象。烏菟
之族。犀兕之黨。鉤爪鋸牙。自成鋒穎。精若耀星。聲若雷霆。名載於山經。形鏤於夏
鼎。其竹則簣簣篠簣。桂箭射筒。柚梧有篁。簟簟有叢。苞筍抽節。往往縈結。綠葉翠

莖冒霜停雪。櫛蠹森萃。蓊茸蕭瑟。檀欒嬋娟。玉潤碧鮮。梢雲無以踰。嶰谷弗能連。
鸞鷟食其實。鵲鷦擾其閒。其果則丹橘餘甘。荔枝之林。檳榔無柯。椰葉無陰。龍眼
橄欖。探榴禦霜。結根比景之陰。列挺衡山之陽。素華斐。丹秀芳。臨青壁。系紫房。鷓
鴒南翥而中留。孔雀綵羽以翱翔。山雞歸飛而來棲。翡翠列巢以重行。其琛賂則
琨瑤之阜。銅錯之垠。火齊之寶。駭雞之珍。頰丹明璣。金華銀樸。紫貝流黃。縹碧素
玉。隱賑歲寒。雜插幽屏。精曜潛穎。砦陟山谷。磻岸爲之干枯。林木爲之潤黷。隋侯
於是鄙其夜光。宋王於是陋其結綠。其荒陬譎詭。則有龍穴內蒸。雲雨所儲。陵鯉
若獸。浮石若桴。雙則比目。片則王餘。窮陸飲木。極沈水居。泉室潛織而卷綃。淵客
慷慨而泣珠。開北戶以向日。齊南冥於幽都。其四野則吟嘷無數。膏腴兼倍。原隰
殊品。窳隆異等。象耕鳥耘。此之自與。穉秀菰穗。於是乎在。煮海爲鹽。採山鑄錢。國
稅再熟之稻。鄉貢八蠶之絲。徒觀其郊隧之內奧。都邑之綱紀。霸王之所根柢。開
國之所基趾。郛郭周匝。重城結隅。通門二八。水道陸衢。所以經始。用累千祀。憲紫